

進賢縣志序

今天下治化之涵濡既久文章之氣運聿新會在

廷冢輔議徵千載之典籍緝當代之闕遺成一統志用以光

進賢縣志序

—

贊邳理彰鉅典也

聖天子曰可于是

制撫暨藩各上憲下教郡州

縣長吏悉覈所部幅員風土租繇官師文物彙為書上之

而余以黥淺承乏鍾陵曩已
酉歲曾蒐輯舊乘守藏史委
諸刼灰又造請邑縉紳士而
議多盈庭謀同作舍盖數年
而未克畢斯役亦數年而不

敢稍釋諸懷也爰訪諸旦評
酌以夙契擇可委以事者若
陳祥符丞時懋江明經墨饒
明經植章文學兆瑞等各協
心并力搦筆墨以從求成化

正德時孫尉貴談廣文一鳳
志無從睹焉嗣得嘉靖萬少
宗伯浩崇禎陳中丞良訓各
所修志又得熊部郎人霖所
手集未刻進乘存稿既登舊

章因輯近事憲惇史于執爵
之醕問稗官于齊諧之言部
分裒益罔臆罔漏摠惟
昭代憲章是式又問衷以南
昌府志與江西通志閱數月

而編次定再閱數月而剗劂
竣迺得藉手觀盛事之成則
凡志所由修與修之所以為
利于一邑者請得而昌言之
矣蓋志猶史也然史所指歸

在予奪是非雖囊括函夏究
非重鉅不錄故其義遠而該
簡而有直體志則存累代之
故實垂不刊之令典大而方
輿封井人文政績節烈勳名

雉堞鬣序小而里道津梁物
產土俗嘉言逸行帝蹤異術
例得旁搜博記補史所不逮
其以弘訓保治殆如射者之
的乎是則是傲在茲矣御者

之前車乎是懲是毖亦在茲
矣倘或令斯土者問阪章之
廣狹土宜之沃瘠則壤之輕
重政治之臧否風化之儉奢
水利積儲之廢置令德大業

之絢爛高士逸民之名氏而
不知也豈特左史所耻承祚
所非抑亦備官之道實有關
歟况進所錫履視古諸侯近
承省轄觀天之文則長沙旁

垂象章章有光至唐武德寔
始愛名厯宋元以迄有明之
季盛極而際衰矣幸值我
世祖皇帝應天定鼎乙酉
王師廓清豫章則茲土首入

版圖被

化脫湯火士絃歌而民樂利

上御極歲星且周德化彌洽

文教誕敷進非

本朝江河之遺唾山岳之委

形也而文獻亡徵紀載弗備

其何以對揚

丕烈遐暢

皇靈哉故是志也成攷輿地而

知維天垂曜斗呈其形流峙

奠位地效其靈物力之蕃息
曷滋而羸習尚之浸蕩孰軌
于經覽逮置而知有明之初
維津維梁迺墉迺壑官署有
章文廟孔碩若亭若臺若壇

若墮節他力以紓之務斯擴
和大勞以逸之民是若稽賦
役而知厥田惟中中惟下
厥賦惟上上錯而且戶口有
征稅糧有征徭役有征以莫

不作絀而取盈緩而移急其
曷以蘇民瘼閱典禮而知維
辟奉天維王定制率土共凜
尊親軌物乃為世礪核典祀
而知聖教鼓鍾胡不煌煌傍

及有德亦厠宮墻下至二氏
無缺烝嘗鑒職官與良吏而
知棠芟垂奕葉之慕遺愛興
輿人之歌其人如何其政如
何其後之思亦如何遡選舉

與人物而知鳳凰鳴矣。蔚蔚其羽以功以節，孰為其伍？女德士貞亦實世補鏡雜錄，而知祥異必謹，遺蹟必登，佚事之有係于民生，必述藝詠之。

有關於名勝，必增；凡若此者，綱舉目張，條分縷晰，井井秩秩，郁郁晶晶，一代之令典，數百年之故實，一展卷而炳如也，燦如也，耀

皇靈而制治恢

帝訓以奠封志也而史矣而竊
有慮者風俗觀王道之成進
素習樸茂說禮樂而敦詩書
故前志曰民率忠朴士高節

槩風候近馴金矢鮮入今則
寢失其初矣雖鄉黨自好者
不乏而簠簋不飭箕帚詬評
辱人賤行者所在皆有則防
範之宜豫也禮教之宜講也

此所冀于進者一也貢賦為
國家之重務進緣偽漢陳友
諒怒南昌為元堅守即以民
租制糧較宋元舊額實逾三
倍故一邑之維正竟與九江

一郡等且進士視他邑倍瘠
甌窶者禽饗之汙邪者草宅
之如田腴遇歲每畝課穀入
不越十餘斗七八斗五六斗
止耳其磽确而無季反是若

額賦則以十畝餘科糧一石
是則盡土之毛不足供有定
之額追呼能保其不逋乎丁
壯能保其不棄產而逃乎醵
醵鴻鴈何以策之此所患于

進者又一也所賴方今

聖天子敦本崇治廣厲師儒而
猶切饑溺由已之思

各上憲嘉惠元元計久安圖
長治海隅日出一道同風業

已登春臺遊化日終不令進
獨向隅耳乃客有造余者曰
是志也成進大觀固具是矣
雖然邑之人而既衆矣後先
湮沒之材良能必其搜採不

遺乎即罔遺矣而未猷覬覦
之私烏能箝訾議之舌悠悠
丘里不自昔難諧也耶予曰
否否天下所不可執者私也
可執者公也曩鄧文潔序郡

志曰無所以不朽志無益也
有所以不朽不志無損也此
明于公私之說也况

聖德含弘治理洋溢秉彝之在
人也三代之直道未泯也孰

敢有逞其臆漏以紊我
昭代之憲章也者書曰無偏
無黨王道蕩蕩無黨無偏王
道平平其今日之謂乎獨我
下吏治行碌碌蒙貿寡文欲

以是上應

聖天子之明詔併副


各上憲督率勤求之至意不
知其有當芻採焉否也殊深
踖踖云殊深踖踖云

進賢縣志序

十六

康熙十二年歲在癸丑仲秋
賜進士出身知進賢縣事荆楚

玉沙聶當世題



治下貢生饒植書



進賢縣志目錄

卷之一

輿地志一

沿革

分野

疆域

形勝

邑圖

輿地志二

山川

坊都

街市

風俗

物產

卷之二

進賢縣志

目錄

一

建置志一

城池

官署

公所

卷之三

建置志二

倉廩

附議 漕兌

郵遞

卷之四

建置志三

學校

書院

社學

卷之五

建置志四

水利 津梁

卷之六

賦役志一

戶口 稅糧 差役 河泊

軍屯

賦役志二

戶口 田產 折色 本色

漕糧 經費 支給 屯墾

進賢縣志

目錄

二

賦役志三

浮糧始末

卷之七

典禮志

聖壽 長至 元旦 詔赦

迎春 救護 鄉飲

卷之八

典祀志上

文廟 附名宦

壇祠

廟祀

卷之九

典祀志下

寺觀

卷之十

職官志上

知縣

職官志下

縣丞

附主簿

典史

巡驛

教諭

附訓導

進賢縣志

目錄

三

卷之十一

選舉志一

進士

選舉志二

鄉舉

卷之十二

選舉志三

薦辟

歲貢

例貢

武科

貤封

恩蔭

椽考

中貴

卷之十三

良吏志上

邑令

良吏志下

邑佐 儒學

卷之十四

人物志一

良臣一

人物志二

進賢縣志

目錄

四

良臣二

卷之十五

人物志三

良臣三

卷之十六

人物志四

高士 篤行

卷之十七

人物志五

義俠

武畧

節烈

寓賢

仙釋

方伎

卷之十八

雜志一

災祥

丘墓

兵革

卷之十九

雜志二

古蹟

坊表

卷之二十

進賢縣志

目錄

五

雜志三

雜錄上

雜錄下

進賢縣志

凡例

一進志有明凡五修中間詳畧當 諸先達序備矣
但準古則因續今宜詳寧疑而存無刻而 一本
春秋善善長之意故有舊 而今獲其據者悉爲
增入若前人有載斷不敢以己意輕議黜也
一輿地建置凡賢達題詠序記依次載入舊者存
之新者補之第不無微加刪潤正以善昔人咸陽
之懸非臆爲裒益也隻眼者自辨之

進賢縣志

凡例

一

一賦役籍纂重矣前志止載有明
本朝犁正增損編定全書允宜並列惟浮糧一節
無徵焉過此以往湮滅滋惧如范晞陽公守豫章
之明季巨浸作擬永蠲長河官港課鈔佐歲當事
將徼惠於朝以故府無稽遂寢然則舊章孰謂可
廢哉故茲項始末獨詳重國計憂民生也且使仁
人君子得有所考衷焉
一職官選舉凡見任見在惟書履歷不加贊揚從舊
例也至職官之功在地方者奕世口碑不因年地

久近遂乏表章以明三代之直自在人心棠陰芾芾百世豈有斲與

一仕宦人物舊列名臣功業直諫廉介文苑等目陳志統曰名臣今仍之惟易名爲良耳

一樓閣亭臺舊另標名目但係官廨自應入官署如係書院寺觀亦宜從所重附書至昔人有創久而不存槩入古蹟殊便觀者

序文

成化年修進賢縣志序

王一夔

邑有志其猶家有譜哉家無譜宗派焉分合昭穆焉
次序族屬焉戚踈奚所考邑無志山川焉形勝風俗
焉媿惡疆域焉險易人物名宦之卓卓者奚所徵然
則烏可以無志進賢爲豫章壯邑西南昌南臨川北
東餘干延袤凡數百里志雖故有而紀載之體繁簡
之宜去取之公觀者不能無憾乃成化四年典史維
揚孫貴邦瑞政暇因取而修之繁以芟脫以補訛以

進賢縣志

卷之一

一

正人物名宦非卓卓有聲者悉擯不錄不數月彙括
而就緒君子試一覽焉匪獨數百里之山川之土俗
之疆域瞭然目中且於某所紀人物之超邁名宦之
彰著者高山景行之念必慨然以興而務企及之其
有益將來功豈淺哉此其視彼世之爲政簿書期會
之急而於此不少留心者不亦難得歟邦瑞介予友
上舍陶節彥符徵文以弁諸首予嘉之不辭而爲之
書

正德年修進賢縣志序

談一鳳

進賢縣故無志提學先生關中李公謂一鳳曰斯志也乃試修之志成會先生按縣至進賢取之筆削焉已令鐫板焉以行一鳳竊嘆曰夫余乃今知作志之難也夫志史之流也不工於文而其事備不專於事而其義存故事者貴覈者也義者貴精者也事不覈則治體有妨義不精則於教無補妨體而棄教則無以垂久遠而昭鑒戒二者史之所大忌也史猶不可況於志夫今乃知作志之難也且覈事者未有不稽之衆者也精義者必義者而後精也一鳳始爲志也

進賢縣志

卷之一

二

考載籍咨父老推究形勢尋繹脉絡仰觀星野旁訂文獻萃士群講盖三閱月而後志成也然其義多昧昧斯繁繁斯雜先生曰夫約以該博史之義也故書其大則小者可知也書其異則同者見也故書其善則惡者戒書其得則失者彰此互見之義也互見則例可不繁一鳳復竊嘆曰余於是又知道之貴約也道約則義精義精則鑒戒昭鑒戒昭則久遠可垂也故曰春秋之例簡以嚴雖然是道也豈惟志哉豈惟志哉一鳳謹叙

正德年修進賢縣志序

楊二和

或有問於予曰子修志乎予應之曰邑故有志成化
戊子者志矣弗詳也正德辛未者詳矣尤遺也識者
憾焉憾之者誰乎邑大夫欽靜劉侯簡自德興視篆
初索觀之喟然曰一邑之典章文物夫可遺哉顧民
事方殷旣逾年噓枯濡涸剔蠹鋤梗民乃大裕爰率
其丞彭君德輝司教堯君廷璧訪予石灘草堂謬屬
筆焉予早羸且瘳竊不自揆亦欲表章先哲三辭不
獲命乃試修之修之柰何曰先儒廣漢張子論志不

進賢縣志

卷之一

三

可不重人物而官守又民生休戚焉繫故表之編年
裨國家世祚而峇之豐嗇才之臧否一覽可悉也他
如山川鄉都之屬則繫於地理貢賦物產之屬則繫
於食貨凡有切於民事者則統曰水利有役於民力
者則統曰建設地封任子恩典也而旌義榮身之例
得附焉廟壇祠壝祀典也而寺若觀之祝釐得以類
焉且予奪僉以輿議而侯與鄉衮希庵萬公程度具
張得取正焉然文獻委於劫灰要之亦未足爲全志
也志修矣亦有資於理乎先哲凋謝典刑日遠志世

道者一展閱焉可以省而鑒可以忻而戚民物故登也而耗焉風俗故淳也而澆焉人材故昌也而前政故良也而莫繼焉惟治哉生聚於斯庠序於斯有弗感發而興惕者耶則侯之憾之屬之汲汲者厥惟旨哉

正德年修進賢縣志序

萬鏜

邑大夫古鄆劉侯以治行調自德興期有月間披邑志喟曰是弗邑穰吾責也乃屬鄉先進提學楊公修之增摭刪潤再歷時書成而余適省覲歸侯來言曰

進賢縣志

卷之一

四

志就刻矣幸序以傳余爲古者受廛有相勞之義雖不文惡乎辭維昔史法莫備於成周周禮誦訓道方志以詔觀事又外史掌四方之志小史掌邦國之志自後斑固作漢書志律曆之類者八陳壽紀三國事亦以志名我明有一統志藩省府州縣各有分志一統志之成甲子今垂周矣熨洽之餘文物益盛必將有續焉能無取於省府州縣之志乎而他時修史吾又知一統志之必在所取也推本究極茲志固有裨乎史者匪獨吾邑存故實翊政教而已史志雖各爲

體而其法貴嚴義貴精詞貴約而達事貴核而無
大要則同然史有專職有常局有衆長可集有圖籍
可稽有予奪之權可執以茲所處較之何如人孰不
曰史之重作史之難也而志亦詎可輕視而易爲之
哉侯能知所重楊公克任其難志之成不苟然也嗚
呼邑志有刻今凡三矣三者天道奇偶之數成焉志
自此其爲不刊之典乎而侯政裕人和乃推其餘力
及此異乎時拙舉羸者先儒謂時措從宜爲春秋奧
旨余故表之以廣志之義且告夫嗣是者焉

進賢縣志

卷之一

五

嘉靖年修進賢縣志序

傅 炯

今之邑有志猶周之有史也馬遷詳於記斑固詳於
制惟夫子作春秋其義始備然春秋之筆非後學所
敢擬議而竊取法焉亦可也邑舊有志採摭未備邑
侯南津程君覽之切有病焉旣而石南葉公臨郡欲
得邑志以便觀採侯屬掌學兩峯李君同諸庠彥補
輯成帙以呈然猶未備也癸亥之春侯績滿三載士
人以旌召相慶而侯且恬然以修志謀於予予曰修
志非史筆不可也今翰林大疇萬君內艱居家旣禫

矣少叅栢亭注君早年儲養史館者也邑之志能無
賴兩賢之筆乎侯乃禮請聚修凡三越月而書成門
分類列釐爲八卷於凡山川建置風俗人物田賦典
禮遺跡之類一展卷舉在目且各於其類立有言
焉度使覽者知其孰也美孰也疵孰也可因孰也可
革孰也爲當法孰也爲當懲勸戒之義昭示於後後
之續志者寧不因是而益加儆耶予善斯志無忝古
史而有春秋之遺意也遂速匠刻之

崇禎年修進賢縣志序

劉洪謨

進賢縣志

卷之一

六

大明一統志采自諸藩藩采之郡郡采之州州采之
邑州邑采之隅里原隰異土沃瘠異宜水旱偏憂盜賊隱伏
關繫民生休戚於此弗詳至吏治踈闊民患狼狽而
後謀之故老呼藥何及矧侈紀文獻亦多闕漏如余
令嚴建日閱嚴郡志尚未知陳北溪先生流寓嚴陵
所謂嚴陵講義四篇大文字裨益吾道迨守漳日始
知之以告嚴紳則又未卜補入否我鍾陵志始於成
化戊子兩修於正德辛未戊寅間及嘉靖癸亥萬宗
伯修之余孤陋弗及詳適今丙寅丁卯諸紳家食之

會陳給諫帖月金太守九如實手編摩邑侯鋟行廣
布士紳廣布必廣勸如風俗昔淳繼自今何以居冲
守璞去泰損雕行誼昔端繼自今何以敬小慎微稟
道毓德勛業昔灼繼自今何以尊主庇民含英發絢
廉節昔崇繼自今何以儀天聳幹耀日爭光各有肺
肝亮不煩祝此日召杜跨巽揚風懸離掣電亦不煩
告也後有接軫頰臨者當下車初首披茲志如某某
慈仁廉謹去思晶晶今豈非昔何以紹之某某文行
忠節孤懸皎皎今豈乏人何以培之利孰當興如志

中某利某興然今將安興不至擾及鷄豚弊孰當革
如志中某弊某革然今將安革不至受搖左右此亦
萬目瞻萬心祝者余自戊子以來覩南昌府志者二
一出范休寧公祖手一出盧莆田公祖手張新建師
序曰譬之爲命一草創一舉討論修飾潤色而身任
之鍾陵茲志如千卷其實兼四美乎斷於載籍故實
靡所遺漏萬一有之蒐以異日則後之廣今亦猶今
之廣昔無容瞻顧者忻逢改元聖主英裁特炳世道
倏更積憤彈冠忠智應運翱翔一時羽儀百代異時

志載此爲左券云

崇禎年修進賢縣志序

陳良訓

道二出處已矣出則拾遺補闕採四方事人告明廷臣子分也處則稽往俟來徵一鄉事存之故實處士義也前後遞承鄉國遞積不出戶知天下語其理耳志者志其事則未有不先窺四域而 言寥廓者予所以弗揣而妄臆茲役也予進不 然景員環抱人文輩出明興志進賢者四而世廟癸亥以後志無稽焉六十載簡編堙蕪若夢若覺日月循環今又一甲

進賢縣志

卷之一

八

子嗟乎此亦鍾陵大缺事而學士薦紳家所不容已也予曩備使署署最富圖籍二三兄弟皇華越國得郡邑志必歸守府予慨慕斯役久之已讀禮又待罪瑣垣熏廟四年譴歸遭乙丑丙丁之間逆璫熏灼羅織士大夫動以文字筆墨爲阱予自是扃戶塞兌穎楮俱謝故弗逮耳丁卯八月以後泰道旋圉星日漸朗一峕在朝在家並可明目張膽證彙論議於是里食君子僉曰修志其時乎紀一邑因紀世局之治而亂亂而治雖一日亦千古雖一邑亦天下也而予黥

淺勤編摩以備草創邑大令蔣侯暨 君子 命
鐫第事惟存實語不溢文稽其履則東西南北畫矣
察其氣則剛柔燥濕從矣凡習尚貢賦建置秩祀厚
生利用吐藻勵修一一條具臚列客有過鍾陵問焉
展卷而如行其地如覲其人也雖然志成矣予所喜
者鍾陵山川聳秀士生其間饒負聰明介特沉毅勇
敢之性而又代有名長吏躬先道化講率防表故凡
在仕籍昂昂鬚眉矜名節而重建樹修文誼而甘澹
約遇國家大事不逐羶不畏燄此道旁 蒸塞流轉

進賢縣志

卷之一

九

進邑自宋迄今士大夫相守未壞也余與諸君子約
願言千秋共存古意出爲名世處爲眞儒進其永有
榮遇焉若余不肖天下事久以待後之乘風奮翼者
矣而忽拜綸召旦暮殫竭芻蕘矢猶本色此物此志
無二道也書爲序

崇禎戊辰修進賢縣志序

金廷璧

自斑固易司馬遷八書爲十志志固史一體也今郡
邑志其名沿於固其義例實備諸史以志地則夏之
禹貢姬公之職方以志人則遷之世家列傳年表以

志事若言則左丘明之春秋傳國語匪才識學兼長
烏能勝其任而愉快我國家治平日久 事寢盛郡
邑什九有志然而不究志所繇病則未知志所繇得
何者才情具矣而縱心孤異者有之識力短矣而安
心故常者有之偃偃靡從若宣務山亢仇城吳臺鵲
長安齋則譎也栖栖學步若盲師鼓唱村 踏歌則
俚也至若膠東增戶口子虛亡是烏有相 則幾於
誕矣若曹丘游揚甘陵分部則幾於偏矣 若此類
皆志病也考吾進志嘉隆以前經先輩勗 凡四

嗣是六七十載文獻缺焉不備當事者愆焉四多梁
侯政暇之餘惓惓留意業已與吾黨有成議矣旋以
艱去屬學博達吾李君檄諸生具草然而人各領欵
編卷帙散漫未嘗叅會歸於一致暨閩鍾湖蔣侯
自東汝調至銳志以畢斯役爲快而年友陳式甫喟
然曰築舍道旁終無成日抑亦吾輩之羞也慨以身
任討論之責間拉余爲商度而余時以釋吉北征未
能供朝夕之役一切修飾潤色俱式甫爲政大都舊
志所不收或收而失實或訛而相冒或混而無別或

析而無當者悉釐之如 政利

有關

生者則必詳如疆域星野山川古蹟 墓故志所

及昔存而今廢則必書如名 人 故所

冥失收抑在後進者非輿論僉 典禮

未訛舛莫正寺觀故址沒於草

蕪文非雅馴及有關風教者則不

之病焉詞約而該事詳而核義正而嚴可以 亦

可以言作可以言志亦可以言史從此吾黨立 立

功立言者有所仰止而吏茲土者觀土風以驗

進賢縣志

卷之一

十一

察民情以酌政令按往事以備法戒因時損益之得
其所爲志即得其所爲政矣故觀於一邑而天下郡
國可觸類而知也吾輩權非袞鉞職存掌故司馬
長所謂整齊故事以俟後之君子者度在茲乎

進賢縣志

同脩姓氏題名

工部都水司主事前知縣事監利聶當世 總修

儒學教諭高安謝與成

叅訂

湖廣糧驛道按察司副使前刑工
兩科都給事中翰林院庶吉士 邑人饒宇栻

貢生邑人陳時懋

江 墨

饒 植

生員邑人章兆瑞 纂定

進賢縣志

題名

一

督刊禮吏溫德峻

進賢縣志卷之一

輿地志 叙曰進賢初縣自唐幅員視古諸侯近承省轄地衢而土弗沃民亦勞止東北臨大澤魚龍寔窟宅焉然天子命吏之所治也賢俊之所興也匪頒好用之所出也自大禹之山行澤行履已及之睹嵩高而知神降聽河水而知大風酌產視俗君子不於以觀政乎九吏於茲與生於茲者可不俯仰興思哉

志輿地

輿地志一

沿革 分野 邑圖
疆域 形勝

進賢縣志

卷之一 輿地

一

沿革

進賢屬豫章禹貢揚州之域春秋為楚之東境吳之西境周景王九年楚令尹子蕩伐吳師於豫章于魯則昭公六年也十九季吳人邀楚伐徐之師敗之豫章敬王二季楚以舟師畧吳越大夫胥犴勞吳王於豫章之汭十四年吳及唐徐伐楚舍舟淮汭自豫章與楚夾漢而戰大敗之蓋魯定公四年也又傳稱楚追伍員至豫章不及而返時員兄在棠即今六合員由此入吳其浣紗女漁夫迹俱在儀巢間昭關在和

世傳以壽春爲豫章俱治江北秦滅楚於此置楚郡然酈道元則云潁水北逕南昌縣西卽子蕩師處秦以爲廬江南部豈斷有徵耶楚漢之間番君吳芮起西至江東至姑篾北至鵲峯東北鳩茲西南艾西北洋洋大風哉興潁陰侯灌嬰定豫章其城在今江西會城之東後立淮安國而析其十八縣置豫章郡於江州今蘭城是也王莽改九江郡移治江南而以豫章名鄆陽光武復舊領於東揚州刺史迨吳孫權據吳移豫章於南昌因析南昌地置富城鍾陵

進賢縣志

卷之一

輿地

二

宜豐三鎮而鍾陵鎮立於大茅渡今治所也後陞爲鍾陵縣晉武帝時縣廢太康元年乃復陞鎮爲縣七年復爲進賢鎮而進賢之名始立梁黃法討余孝頃師過於鎮隋大業二年改豫章爲南昌縣而省鎮唐以豫章爲洪州武德五年復置鍾陵縣隸洪州八年省縣爲進賢鎮貞元中復改鍾陵爲南昌縣鎮加故宋崇寧二年從郡守張綬請陞鎮爲縣而割南昌歸仁崇禮崇信眞隱四鄉及新建玉溪東西二鄉隸之建炎中寇王虎欲攻郡縣民傳安民力戰擒之大

觀二年復返新建二鄉而割南昌欽風鄉益之隸隆興府宋末元都木鐸兵過縣都統密祐死之元隸隆興路至正壬辰寇至邑民橐驪等率衆共禦民賴以安戊戌徐壽輝平章陳友諒據隆興火爾赤棄城走橐驪等力不能支遂陷己亥僞漢以僞丞相胡廷瑞守省辛丑明兵至廷瑞歸城納之詔改隆興路爲洪都府以葉琛爲知府縣仍隸南昌府焉領鄉五編戶一百九十八里

大清順治二年夏大兵畧定南昌府取之是秋下令

進賢縣志

卷之一

輿地

三

撫綏招緝進賢以城歸入版圖戶里如故

分野

周禮保章氏以星土辨九州之域所封封域皆有分星以觀妖祥然大界易知細度難明今按天文志長沙東過左轄中有進賢星今長沙去此不遠而婺州長沙皆星立名則進賢以星名當無可疑也

考清類以斗爲吳分晉志九江八斗一度廬江八斗六度豫章八斗十度又謂南斗之第四星主豫章晉張華問雷煥斗牛之間有劔氣在豐城按晉豫章去

姑蘓不遠吳在姑蘓屬斗分而婺女主越婺州婺源俱以此名今豫章於徽近於蘓遠而斗二十六度入牛牛八度至則豫章宜單主牛宿也

堯冬至日會牽牛爲星紀之首日月星辰所會也豫之得天多矣又占候家謂牛主蓄養光彩則稔又好

攻擊故氛稜生亂亦風氣者所當焉

謹按天文圖斗六星二十五度吳之分野而南昌與焉則豫章主斗無疑矣以豫章近婺州專應牛宿者臆章兆也瑞記

疆域

縣治東至餘干縣治一百四十里而潤溪爲之界東

進賢縣志

卷之一 分野

四

七十里西七十里

西至南昌縣治一百二十里而池港爲之界東六十里西六十里

南至臨川縣治九十里而界牌舖爲之界南五十里

北國十里

北至鄱湖一百里盡於金谿湖

東南至東鄉縣治九十里而野塘爲之界東南五十里西北四十里

西南至豐城縣治一百四十五里而平湖寺爲之界

東北九十五里西南五十里

東北至餘干瑞洪一百二十里

西北至新建趙家圩一百四十里

按舊志萬浩曰進之路視昔五加其二蓋東鄉未立距安仁一百七十里宦遊者率從舟也自有東鄉多自安仁起陸是進賢加一路矣其距豐城經涉九渡原非通衢故沿途不立遞舖以此也柰近日士大夫避省城之人事公差牌票畏司院之查革迂道紛至是進賢又加一路矣斯語進賢衝疲實錄也述以告

進賢縣志

卷之一

疆域

五

四方君子

形勝

楚之東境吳之西界

唐元和郡邑志

水陸四通山川特秀

宋雷次宗豫章記

上接臨汝之區下通彭蠡之滙九曲之流繞其前羣

山之勝擁其後故山如負宸之形水若朝宗之勢

舊志

奇峯繞郭泉流清瀉映帶縈曲且彭蠡之巨浸在焉

熊釗序

東南山如青黛稻田萬頃翠綠相際水流其間小舟

沿遡上下

包希
魯記

按進賢地脉從五嶺迤杉關與閩分水迤爲瀘溪金谿東鄉入界起雄嵐峯至仙壇嶺西行而櫛山麻山高宗嶺入城南白馬廟少駐東分爲儒學西迤至壇石山爲縣治兩支交會此其大勢也東南一支過香爐峯折西北至于三陽又東過仙壇大石至于鄔子西南一支由蘆岡嶺分流嶺銅嶺西爲泉嶺西北爲漸嶺止武陽渡北爲羅嶺喻家嶺漸嶺之脉又西經土坊過南邑之郭上竹林萬坊入進邑境北渡水衍

進賢縣志

卷之一

形勝

六

爲白沙東北至宋家山渡大河爲二十九都翻向南逆行爲二十八二十七都至畚上止面三陽以受諸水之委又分一支爲青山臨三陽河則撫河西河之水畢聚而饒信二水亦環抱矣

西鄉界岡朱坊雪山等處在撫河之西其與邑治之龍自五嶺卽分其脉與郡龍同祖從五嶺迤樂安崇仁入豐城起羅山歷櫛山至進賢帳幕嶺入省而白湖嶺鶴仙峯之分脉咸其焉

進賢縣雖以鄱湖爲水之統會秀在常湖九曲而水

之經則曰三陽合各湖入鄱湖源出香爐峯曰通濟
港池 港滙于君山湖源出榭山曰院澤水源出師
古嶺曰鍾陵港源出流嶺曰羅溪港俱滙于青嵐湖
而湖之大者東曰日月湖軍山湖西曰青嵐湖白沙
湖總會曰彭蠡湖此其形勢之大者

常湖者文明門外之九曲所滙也而會于青嵐湖曰
月湖者洪源東支湖也滙君山湖白沙湖者三十都
之水所滙而汝水之浸也君山一曰陽方青嵐一曰
洞陽白沙一曰武陽合流于二十七都之南故其地

進賢縣志

卷之一

形勝

七

名曰三陽其味曰金谿湖則大滙于宮亭湖矣一曰
鄱陽湖卽禹貢之 淺源也 舊志云流嶺羅嶺泉
嶺漸嶺等處西行一脉之餘也雄峯仙壇東行如香
爐山捉告岡鳳嶺東關盡大石橋爲縣左護如超江
嶺北嶺英山三陽鄔子處所東行一脉之餘也


邑圖


進賢縣志卷之一

進賢縣志

卷之一

八






進賢縣志

卷之一

九



輿地志二

山川 風俗

坊都 物產

街市

山川

壇石山 在縣治後開時以石勢稜峭有角故名又相傳咎闢縣基得斷石有尉遲恭鹽脩五字 邑人饒宇朴詩壇石山前宿霧收菁葱取次出平疇峰澗零露青猶濕水擁晨光碧漸流曉日棠梨看樹樹蕙風稷稻望油油何緣更借西莊筆淡寫垂楊月一鉤 邑人顏怡祖詩日月湖開映玉壺澄流昨夜洗雲膚不知空際渾晴雨疑盡長河或有無翠露幾條涼

進賢縣志

卷之一 山川

十一

欲滴青峰數點澹猶踈微茫曾入王維畫似是壇山曉望圖

烏石山 邑治西在壇石山左多巨石其色皆墨

何嘉山 邑治西南以宋尹張嘉謀有德政去任民扳晉之因以子贅何氏居此名

臧山 邑治南城外以臧嘉猷隱居於此故名今爲崇真觀是山之木凌冬不凋

三臺山 儒學面對一曰鳳臺一曰鸞臺一曰鶴臺 騫翥秀特波光漣漪下瞰常湖九曲故人謂學宮得

山川之助云

雲山 邑治西南五十里

鐘山 邑治西南五十里二山臨水破裂本名上下

破山相傳元大德間漁人入水得古鐘十二 僉事

高賓改今名詩云鐘陵舊號緣鐘得得處分明兩破

間事貴有徵名貴雅破山應合改鐘山 邑人陳棟

駁之詩云鐘陵舊號晉時聞鶴嶺鸞峯勢不群王氣

秦淮南更馱龜鼉載向馱原分

按鐘陵之名始於晉非元時方有也鸞岡鶴嶺皆西山即古之馱原山安知秦叱龜鼉為梁時不分

進賢縣志

卷之一 山川

十二

白丁馱勝之鐘以馱此地乎

金山 邑治南四十里以昔產金名下有淘金井焉

櫛山 邑治南四十里以山多櫛木名一名龍巢櫛

皮亦可以為紙

北山 邑治北一百里濱鄱湖四周皆水其土平行

以自君山湖北望之則隆隆若山然居民千餘戶元

伯顏子中隱此

北山據古宮亭湖之陰衍袤廣博橫亘數十里雲林參錯鬱為郡之藩屏毓秀生人代有賢俊土苴

集

伯顏子中詩平川楊柳翠依微暖日遊絲掛綠扉啼
鳥不知江國變多情到處勸人歸 邑人熊明遇北

山八景詩河橋春漲帶平川芳草晴楊水澤天鴛鷺

不驚魚唱晚蛟龍時伴釣竿眠青雲有色連丹嶂綠

野無邊湧紫烟謾道橫舟須擊楫濟川功德藉先賢

草綠橋水國平夷此地高幾朝車馬問津勞兩湖日月

三陽市千里雲山九派濤古岸人家開甲第新洲花

草媚冠袍風光好在鷗鴻外酣眼丹青一羽毛青山古渡

沙堤天築汝河蟠迤邐岡原帶碧灘水望千帆湖淼

進賢縣志

卷之一 山川

十三

淼山看數點氣漫漫春迴曲港魚龍動夜宿芳洲雁

鷺繁古樹畚南烟靄裏松廬兔擾一坏安龍岐砂磧古丘

牢落宅群真勝地千年野水瀆燒燭却因漁火渡鳴

榔還與磬聲勻蒼虬駕去仙何住白鶴歸來井已湮

剩有東風吹夜浪湖塘深處長青蘋鶴山丹井父老傳聞

古嘯臺寺連青果傍湖開將軍水戰樓船浪佛子焚

修浩劫灰一隴桑麻今是矣百年陵谷固然哉臺荒

寺廢空懷古徒倚平臯數落梅青果嘯臺蘆花洲上鼓逢

逢祇爲戈船賊寇通義士椎牛連野寨丁男祭馬護

元戎烏啼花落江山舊暑去寒催日月同獨是陽侯
貽害久端憂漆室祝年豐

程埠更樓

千里通舟水草湄徼

巡專設爲關譏官衙午放看雲度兵子宵征候月遲

帆影翻飛吟楚鳥櫓聲搖斷唱吳兒茫茫大陸開芳

甸撫景躊躇故國思

龍川過艇

古木陰陰野澣傍河流日

夜影如常蒼衣早看三春雨赤幟高標九月霜渡子

槳從烟裏蕩行人騎向水頭忙何須泛問津梁路大

樹林邊有濟航

羅渡高楓

漸嶺山 縣西五十里山有石壁俗呼石倉又有石

進賢縣志

卷之一 山川

十四

如鎖貫石竅中搖不可脫山北屬南昌縣宋於此置

驛 晏殊始得聯云苔徑雨餘堆落葉石樓風靜鎖

閒雲至崇因寺足成之全詩載後 吳與弼詩漠漠

暮林橫綠野澄澄秋月映紅雲遠來客舸依沙岸獨

犬一聲何處村 邑人章其志詩漸山不與衆山群

一往高深慰所聞香引路迴花樹合聲通嶺曲寺鐘

分石泉邊坐晴飛雨古洞中行衣染雲折取寒梅新

月下孤懷曠曠欲誰云

麻山 邑治南二十里上有麻姑壇豫章志云晉王

郭二仙憩息之地後包真人飛昇於此 上龍井禱
雨輒應天順間建飛昇亭 邑人侯助教復詩芙蓉
凌翠嶠洞府隱仙家玉倚三山樹春蒸千歲花風雲
含白晝神物護丹砂勾漏當時令登臨踏紫霞 汝
川章憲副袞詩麻山今夕羽人家月色乘風入院斜
披髮謾誇騎赤驥縱懷直欲殺妖墓荒臺夜靜鶴常
過古渡春深桃自花去住惺惺渾脫灑絕憐銀河泛
靈槎 邑人曾尚書鈞和韵文星一夜聚仙家銀燭
迎風半欲斜玉樹遠歸天際鶴金樽光醉月中墓藥

蘭香雨生芝草池閣輕烟濕柳花咲問桃源在何處
謾從流水覓魚槎 邑人何知府祉和前韵萬山廻
合此山家峯嶺高峯閃日斜井口滙泉遺古蹟林中
零露吸金墓偏於勝筭尋溪谷靜看浮光滾浪花話
到忘懷塵想絕憑虛直欲泛仙槎 邑人江墨詩疊
嶂屏森豎星羅族若朝俯窺常杳忽仰睇更岿堯峯
嶺無今古昏明迴旦宵棋叢湊作趾縷脉細分條谷
合疑圍壁切平恍渡橋龍蛇徑又曲波浪伏還翹霧
重峯全失雲輕嶺淡描夕陽斜掩照曉霽倒開瞭錦

爛因霞亮黛鮮爲雨澆列睂平對抹出味怒生標何
方覓羽化每日見山樵漏盡鐘聲發幽人意未消
覆盃山 邑治西四十里一名福楹以形如覆盃名
捍城山 邑治西北四十里
楊梅山 邑治東五十里山阻深人烟少易藪盜
英山 邑治西十五里臨青嵐湖通邑水口所關相
傳唐葛潘三仙姑於此飛昇上有仙井有饒邵二郎
遊湖中從龍潭入至仙井出極言潭中景物雷隨擊
之以石覆井今饒邵二郎現神土人禱祀立應

進賢縣志

卷之一 山川

十六

角山 邑治北百餘里其山出石石勢稜削因名
巖前山 邑治東南七十里厥巖一若獅一若象
龍岐山 邑治北百餘里婉轉如龍據鄱湖南岸有
龍頭山在二十九都爲西河之委對八字腦有巡檢
司
棲賢山 邑治東一名小天臺山相傳天臺山烏藥
梔子二藥爲佳此山次之因名後以戴叔倫讀書於
此構明經堂其上改名棲賢山

霧嶺 邑治南百步許環迤如帶元元貞中邑令趙

銓開爲通達

元貞府志
爲大德

盤賢嶺 邑治南三里朱子往考亭與呂祖謙盤桓於此故名

高宗嶺 邑治南四里相傳宋高宗南渡時有宗室嬪御嘗駐此石勢如卧牛又呼石牛窩

鳳嶺 邑治東五里與斲琴窩東西峙

斲琴嶺 相傳昔臧嘉猷嘗斲琴於此登眺之餘衆山皆響

北嶺 邑治東北十里有巨石奇峭高五十丈綿

進賢縣志

卷之一 山川

十七

亘五里

流嶺 邑治西南十五里有石焉泉流不竭又名鄭公嶺漢樂府有石流夫山澤通氣海水歸墟地絡滲注山之最高卽海之最下蒙泉固有濫於高峯之巔者豈獨華峰玉井瀟嶽天池耶

禾嶺 邑治南七里上有伍員廟

銅嶺 邑治西二十里上有巨石如銅

志嶺 邑治南十五里上祀碧霞元君嶺半有龍井
青泉馥郁雖大旱不涸相傳志公曾卓錫於此因得

名

羅溪嶺 邑治西二十里山之麓有溪通大河多巨石勢若張羅因名

歛足嶺 邑治東北三十五里昔有仙人於此歛足而坐

長歌嶺 邑治南五十里臧嘉猷與鄉人燕遊於此

焚香嶺 邑治南五十里高四十餘丈週迴可三十里相傳謚母與陳萬二仙姑遊此

冶塘嶺 邑治東南六十里又名野塘峽

進賢縣志

卷之一

山川

十八

梅峯嶺 邑治東南六十里相傳梅子眞爲尉時行縣憩息於此

尋江嶺 邑治東北十五里國初取鉄處

超江嶺 邑治坐爲屏在八都

潘公嶺 邑治北十五里潘大法眞人曾於此修煉飛昇石浴盆尚存雖旱水不涸

雙乳嶺 邑治東六十里週迴五里

仙鶴嶺 邑治西南十里高二十丈廣十五里

望夫嶺 邑治西三十里昔有婦以夫戰鄱湖登此

望之遂化爲石其手碎竹葉今竹猶片片碎也 宋
王荆公詩藁砧不記大刀頭化作峯頭石也愁豈有
心情管風雨向人彈淚繞天流

慶嘶嶺 邑治東七十里

馬銀嶺 邑治東五十里其形如馬鞍高峻

師古嶺 邑治東六十里

鐵山嶺 邑治東七十里山石黑者如鉄

泉嶺南昌府舊志載泉嶺觀去縣四十里高三十丈
週廻十五里頂上有泉流於澗冬夏澄徹護福觀係

進賢縣志

卷之一 山川

十九

三十七都泉嶺本縣舊志載一丈本觀基地貳畝零
八釐一額山三十二畝七分一丈上田二十一畝六
分四釐一中田七畝二分六釐一隨田塘三畝一分
三釐一草地四畝六分八釐大共官民米二石六斗
六升七合成丁七丁 以上皆萬曆間尹黃汝亨因
廖玉侵山一案詳查府縣二志刻載壇石事記中盖
曰疆界清明令後之守土者按故實而稽焉界址丁
粮丈尺犁然可憑他邑無與進賢争此土也 邑人

章其志詩群峰羅列一峰尊策

杖登

臨欲斷魂地勢巍

峩天一氣烟光縹緲水環門罡風不散靈山劫碩
偏留魯殿存芳草至今啣舊恨闍黎共道武林恩

仙鶴峯 邑治東十五里以有華蓋故名

雙乳峯 邑治北二十里又云耳誤作乳

香爐峯 邑治東南四十里狀如爐雨將作烟霧滃

然上有許旌陽祠

仙壇峯 邑治東七十里上有三仙壇禱雨輒應羅

必元居近此

南箕峯 邑治東七十里石柱削立高數十丈勢似

進賢縣志

卷之一 山川

二十

箕張上有許真君廟有小穴傳云通海

南城峯 邑治東七十里夏侯勝王陵墓在焉上有

掩軍祠祀張忠靖王

昏雷氏祖塚廟祝每年祭賽必以雷氏為主先致祭于其墓而後□□

鶴仙峯 在三十八都高峯昂峙俯視衆山其山脉

從豐城招雲嶺來特起作勢聳爲奇觀

白狐峯 邑治西五十里晉子旼禪師現神曝衣峯

上里人卽石室祀之明隆萬間卽趾建庵嗣老宿靈

源得念佛三昧動口靈應甃石成徑以便往來

國朝大雄殿毘盧閣大悲堂問香樓及兩廡寮舍

造聿新 蘆田釋弘敏標示八景有詩狼籍威音

味新臨風嘗惜弄花人香嚴未許從緣入到此知誰

掃客塵樓香 微笑春風五葉濃回看雞足已迷封

田條相分明在剪碎烟霞好自 稜骨氣已

空群今日中流欲藉君可怪自呈還自掩頂門

一天雲頂摩雲 夢回孤枕 殘春雨蕭蕭古木寒

事不須重按劍乾坤請向樹頭看樹空花 釋 柴和

韵十二風流曲曲新聞香誰是問香人若從此處尋

花悟緣起無端墮六塵樓問香 茫茫聲息足林烟猶似

進賢縣志

卷之一 山川

聞經意未眠我與濤松俱一處不知身在白湖邊吼

石 釋寂谷和韵石磴縈紆未易攀徑行觀樹遂

閒主林神恐遊塵度設險雲中石作關石門關 邑人

饒宇朴和韵無聲聲徹碧雲開喚醒烟霞未是 卽

使振衣高座上空青萬道欲飛來呼青閣 木樨公案一

番新有扣還須善聽人會得拈花微笑旨 陵久

絕風塵樓問香 鎧甲嶙峋着地濃祗應霧鎖與雲封請

看子夜黃梅意輸與盧公一手縫袞袞岳 拋 袞

出群如來金臂欲摩君嵯峨若向中流見 空

幾片雲頂雲古幹浮空挂澹烟寒巖雅稱石同眠

龍未肯虛鱗甲時作風濤列樹邊石 吼烟橋水拈來故

是疑有無猶被轆轤知何如徹底無些子占得高峯

一座危井 截流雲居釋戒顯詩盤屈松陰路孤峯聳

獨尊畫圖如百鑑烟水足千村古殿垂神甃寒濤吼

石門雲中龍象窟突兀一乾坤又梵闕凌空起踈鍾

度遠沙田衣留恠石靈樹發空花青翠千山送江湖

一望賒閬風儼可御吾意欲乘槎 邑人饒鏡詩一

宿招提土塵緣此暫閒始知休歇念只在剎那間禪

進賢縣志 卷之一 山川 二十一

悅疑同晰玄機妙獨刪鐘聞當警策莫待漏聲還

邑人章兆瑞詩不辭九折復尋山聞是靈源憩此間

空樹留花長漱漱神泉截水益潺潺松鳴絕壑僧歸

晚月照孤巒寺影閒夜久梵音增寂歷摩雲頂上可 忘還

介岡 邑治西五十里山水明秀會毓偉碩與臨川

縣抵界饒氏世居於此 邑人饒宇朴介岡八景詩

桃花巖畔曙烟生望入空濛繞岫輕侵曉好尋高士

夢青峰數點一江橫楮山 曉烟清宵樽酒對遙天一水掇

藍意渺然五夜月明群籟息晴波漱灑玉生烟藍津 午

三春草色砌芳洲地入菰蒲雪浪浮昨夢小舸湘水

上君山淡映洞庭秋青洲長漲杖藜飽看一峯雲暮靄朝

曦揔不群誰信春風工寫黛和烟和雨幻氤氳白嶺春雲

不鼓微風浪亦排蒼波翠巘自瀝洄忽憐石上孤桐

好爨下當年棄此材石罇迴瀾莫將春飾惱秋容十里霜

林絳雪封稠花密蕊臙脂麗可鬪深紅鬪淺紅柏林紅葉

天清鶴唳晚山空竹浪松濤冷梵宮入夜鯨音吹不

斷乘風繚繞月明中鶴林晚鍾先廬嘉樹澹秋林一片明

霞入座深日暮微吟籬菊句花光山氣昔人心夕莊

進賢縣志

卷之一 山川

邑人饒植和韵朝來巖谷好風生極目晴空信步

輕一自高蹤凌絕頂烟光只傍此山橫楸山曉烟水浸藍

光直到天昔人濠上興悠然幾回共探中宵月澄徹

無煩掃暮烟藍津午月平蕪八望詠河洲山郭陰晴樹色

浮乘興有入同破浪扁舟不待五湖秋青洲長漲晴巒又

見一峯雲舒卷無心自不群領畧春光最高處四

烟霧揔氤氳白嶺春雲波湧山根不受排故開石竇水瀜

洄游人尚記桐陰好流水高山見此材石罇迴瀾微霜

氣 爲容只有山楓艷可封試自平原看柏葉參差

高下淺深紅柏林紅葉相望樓閣遠函空乍叩還停

宮誰是聞鐘不深省夜分響徹五雲中鶴林晚鐘物招

尋脩竹林籬邊菊色自深深登樓竟日忘歸去不負

相期夕照心菊莊夕照何處霏烟逐曉生峯高嵐影渡江

輕伊人慣助山川色莫訝吳門匹練橫又水映空青

月有天月涵天影水依然清光若爲情放

河動曉烟又平鋪藍水上芳洲雲氣疑蒸夏江

色粘天人倚檻眼前青蠡湖秋又衆山不礙嶺頭

雲住此應爲鸞鶴群誰道山居人寂莫翠屏互

進賢縣志

卷之一 山川

二十四

氤氳又莫疑島嶼費安排水愛澄潭遡復

根餘石骨濤聲似識嶧陽材又九秋誰爲轉山容霞

起踈林遠近封柏葉也酣霜氣色村莊處深紅

又夜闌寂歷響高空鍾呂何須說變

住聲聞證入梵幢中又廿年風雨度長林莫

籬不厭深果有餘霞散成綺詩成遙見古人心

赤岡 邑治東三十里土燥而多赤色

五龍岡 邑治東七十里五支分行若渴水在

君山湖東

大歇岡 邑治東八十里下連小歇岡

大石磯 邑治東北三十里軍山湖側頂有巨石

磯卽水長常見如故

畫洞十九都故有雷度讀書庵今束鄉

北谷十九都羅必元隱處今束鄉

海棠洞 邑治東七十里臧嘉猷讀書處

虎拜岡 邑治北七里 太史陳善記曰包實夫瀘

溪人也世業儒魯伯先生其父焉明經力學事親惟
謹嘗以文行著于鄉故爲授業者所賔禮洪武元年

進賢縣志

卷之一

山川

二十五

館于邑之太常里是冬歸省而復之焉由故途至厚
榭忽值一虎突其前實夫進退莫能避虎始而伏狀
類拜者徐起啣其衣之左腋曳之行實夫隨其往至
林莽中虎釋而蹲實夫亦對而踞乃語之曰爾虎也
爾得母啖吾肉殮干爾吾復何憾然吾二親俱七十
餘汝能容吾畢其養乎吾肉苟可食終還于汝也虎
乃起曳其衣裾復至故處舍而去嗟乎虎惡獸也何
人心之有惟知其父子之仁爾故人之遇虎鮮有得
生者然獸之仁由人以感之況孝悌之至通乎神明

實夫遇虎而不傷正色以待之豈非視生之如寄死
之如歸歟抑孝悌之至而有神明祐之歟則物吾同
與也孰無人心之謂哉余故傳其事以爲事親者勸
黃牛城 邑治南五里

日月湖 邑治東北二十里卽洪源湖源出香爐嶺
小山在湖中東曰日西曰月涸則二漲則一中爲石
人灘識曰日月湖明良將出石人灘合狀元生

軍山湖 邑治北延袤五十餘里有軍湖書院遺址
現在

進賢縣志

卷之一 山川

二十六

彭蠡湖 邑治北一百一十里跨南昌饒州南康三
郡地禹貢曰彭蠡既潞陽鳥攸居卽此是也 宋正

言余靖詩彭蠡古來險湯湯過侯衛源長雲共浮望
極天無際傳聞五月交茲時一陰至颶風生海隅餘力

千里曠萬竅爭怒號驚濤得狂勢湧恐楚山拔聲疑
夏鼎沸妖唇吐濃烟層臺誇壯麗奔雷鳴大車連鼓
聲粗厲豈識陰陽爭長憂天地閉孤舟一葉輕飄如
旂在綴所以泝汾人未嘗貪既濟遂猶上坂途順比
飛鴻翅直待浮雲收乾坤廓然霽湖光百里平波色

然後湧蘭橈以避蛟龍害進退甘遲留克保
無祇悔我願修身者體此操舟態動靜惟時幾畏慎
存纖芥跬足雖平易盡心防曖昧長如履險時終身
不危殆 徐師川詩沙岸委蛇白雲林迢遞青千山
擁盧嶽百水會宮庭旅食猶能飯叢祠更乞靈江湖
萬里浪政爾一帆輕

陽方湖 邑治東七十里東北走瑞洪入鄱湖

江前湖 在超嶺下

青嵐湖 在九都二十六都之西一曰青南湖以青

進賢縣志

卷之一 山川

二十七

溪水南陽水出于斯也湖中有閃山孤嶮雲橫神靈
之宅

白沙湖 與南昌之大沙湖小沙湖相連延袤四十
餘里冬則多涸

金溪湖 在三陽之下凡各湖入瑞洪合彭蠡之味
也

御遊灘 邑治東近鍾陵橋相傳明太祖征陳友諒
兵至此傍有武功坪

通濟港 源出香爐峯東南來九曲遶縣治復洄折

出英山三陽有緱山焉屹立而砥柱

池陂港 邑治東四十里源出香爐峯入洪源湖

鍾陵港 邑治東五十里源出師古嶺從潤安渡入

湖

潤陂港 邑治東七十里源出雄嵐峯入陽方湖以

戴叔倫潤州人故名

長樂港 邑治南三十里以臧嘉猷故名

羅溪港 邑治西二十里卽青溪其源出流嶺至英

山兆入湖

進賢縣志

卷之一 山川

二十八

三陽水 邑治北七十里以南陽洞陽武陽三水合

流入湖故名

院澤水 邑治東南五里源出榭山滙于臧溪蜿蜒

九曲繞于學前合通濟港流入青嵐湖

優游源 邑治東五十餘里出榭山入臧溪復流與

通濟橋水合西有泉井唐臧嘉猷所鑿

石峽源 在樓賢山側

看源 邑治東七十餘里源出榭山俗呼漢源今東

鄉

迴龍洲 邑治北四十里宋淳熙間居民得自龜于此獻之郡帥呂師中圖其形縱之曰放生池葉鎬有記

龍馬洲 軍山湖畔四十餘里相傳三太子得白馬于此有廟祀

龍潭 邑治東十里妙巖寺西

萑蒿潭 軍山湖中堤產萑蒿其水通臨川之積烟穴是龍穴也淳熙庚子旱舟人見五龍升降其間翌日乃雨

進賢縣志

卷之一 山川

二十九

泗水瀝 在鍾陵橋

麻姑井 在麻山石壇之下又名白暨泉內有仙迹在焉

大滿井 在鳳嶺下

禪靜井 邑治西十餘里

張姑井 在明心寺西水或五七季一湧今寺廢

龍坑井 邑治南三里相傳昔有龍潛伏其中一日雲霧四塞雷電震驚龍自井騰空

井 在北山之鶴山靈陽觀側 陽大弟子勇梧

真人施岑煉丹于此

陽和天井 在英山湖中世傳井水與積烟山通

優游井 在崇真觀臧嘉猷所鑿

聖井 在舊麻姑觀東乃包真人蹟迹處每風月清

明之夕常聞鍾磬步虛之聲

縣治左義井

龍王廟義井今廢

忠武廟義井

霧嶺義井今廢

進賢縣志

卷之一 山川

三十

海智寺義井

稅課局義井

蓮花池 在少府橋南十餘步

幽槎池 邑治東二十六都醺口一曰玲口

墨池 在能仁寺傍相傳魏徵士讀書于此聞蛙聲

以硯擲之至今水黑無蛙

放生池

按舊志放生池在邑治東三十餘步上有亭今廢
或曰旱塘土人傳曾太監構亭其上則所云放生
池者正中涓事也

戟溪 邑治西五十里事詳寓賢

雷溪 邑治西五十里在撫河右一泓澄澈邑人章
一龍卜居于此 邑人饒宇朴至雷溪訪章天來詩
幾日消孤寄尋君眼乍明論文虛舊業閱世見今情
花覺芳隣爛秋看一水清龍紋飛兔在堂構好經營
章兆瑞和詩不論升沉事自能意氣平花繁隨夢
蝶酒熟聽啼鶯落筆小兒子舉糜隻弟兄何憂堂構
拙大匠荷生成 章兆瑞招饒蔚宗赴雷溪詩車音
莫惜枉槩邁况值清秋景物和日暇朋儔惟聚好家
貧楹竚豈能多聞雞欲踐遠遊約看菊何妨欵步過
騶從倘煩問去路遶門溪水聽鳴呵 饒宇朴和詩
爽色遙分出澗邁寒山還浥緒風和籬邊菊老秋光
瘦江上楓青客思多樽酒素心虛屢夢六詩清興肯
頻過携琴今日緣溪去流水聲悠動玉珂

園 附

雙塘 畝 廣 二 度山 畝 廣 四 南陽舖 畝 廣 五 白石坑 畝 廣 三

左漸岡 畝 廣 四 太平上 畝 廣 五 北家坑 畝 廣 六 院岡 畝 廣 六

清窟 畝 廣 三

俱歸仁鄉

方岡園畝廣五 竹家園畝廣四 坎頭畝廣三 饒方坑畝廣六

俱真隱鄉

池陂畝廣三 黃橙畝廣五 塘下畝廣三 黃泥岡畝廣三

李家坑畝廣三 饒方畝廣五

俱崇信鄉

冷井畝廣三 宋方畝廣二 東湖岡畝廣四 官山畝廣三

北山畝廣二

俱崇禮鄉

進賢縣志 卷之一 山川 三十一

楊方畝廣四 黃山觀畝廣二 謝家坪畝廣三 並塘畝廣三

彭坊畝廣四 楊文岡畝廣三 城岡畝廣三 西石門畝廣三

俱欽風鄉

以上園名未詳所自存否今亦不考
但載舊志不敢湮沒存其籍而已

坊都

東隅 坊賢行

西隅 仁行坊 縣治西 洪武十

南隅 積善坊 縣治南 洪武十

北隅 折桂坊 洪武二十六

中隅義立坊

正隅民和坊北隅舊名雲錦又名永安洪武十三年令徐成美重立

初制城內曰坊此六隅是也城外曰廂而邑不另設其邑中之經途皆謂之街邑城之外謂之區區

所轄為都

歸仁鄉之區轄都九共七十有六畝

一都之圖十二邑西白石陂等處

二都之圖六藍田等處

三都之圖四南陽舖等處

四都之圖五麻山等處

進賢縣志

卷之一 坊都

三十三

五都之圖六壽山橋等處

六都之圖七常湖等處

七都之圖九菜園虎拜岡等處

八都之圖十七丘溪超岡嶺等處

九都之圖九藕塘荆林等處

真隱鄉之區轄都四共三十有五圖

十都之圖九濠上等處

十一都之圖七花園等處

十二都之圖七木架墟等處

十三四都之圖十二徐橋等處

崇信鄉之區轄都九共五十有一圖

十五都之圖七羅瓦礮頭等處

十六都之圖七南台黃槎赤岡等處

十七都之圖五羅盤草岡等處

十八都之圖五鍾陵橋等處

二十二都之圖十一潭源等處

二十三都之圖十一焦浦爵塘等處

內割十九都二十都二十一都田地四百五十七頃八東鄉縣正德年東鄉華林瑪瑙盜發朝命左

進賢縣志

卷之一

坊都

三十四

都御史陳金制戎務右副都御史俞諫提督檄田州狼兵協討之南呂知府李承勛招黃竒為內應破東鄉賊金乃奏立東鄉縣

崇禮鄉之區轄都七共三十有一圖

二十四五都之圖四鄔子等處

二十六都之圖四神浦三陽等處

二十七都之圖六畚上龍岐青山等處

二十八都之圖五俱北山等處

二十九都之圖三八字腦等處

三十都之圖七楊方篁山鏡口等處

三十一二都之圖二梓陂安台等處

欽風鄉之區轄都六共三十圖

三十三都之圖五羅溪等處

三十四都之圖四牛車頭臨田等處

三十五都之圖六玉嶺等處

三十六都之圖四土坊等處

三十七都之圖五泉嶺 溪羅坊等處

三十八都之圖六界岡朱坊雪山等處

金廷璧記明初十一戶為一甲百一十戶為一里推丁糧多者長焉一人克公家之役甚均

進賢縣志

卷之一 坊都

三十五

平也歲久民有消長田有增損而牧民君子或未加意編甲之時吏胥飛詭遂有共甲而隔數里一家而分數圖者米丁多寡不同而官府僉役只照圖派甘苦竟懸絕矣倘當事以細心審平使置甲無參差而編戶俱得附便徵輸勾攝上下不有兩利者乎

街市

中大街 東顏街 太平巷街 南長街

後街 霧嶺街 花巷口街 少府橋街

馬街巷街 學前街 道前街 按察司前街

河門街 蘓家角街 中州街 前州街

後州街 東關街

縣市卽六隅

蟠龍巷市距縣治二十里

白莊市 都八

捉牛岡市 都十

南陽市 都十五

南臺市 都十六

池陂市 李十五都 丕立

趙舖市 都九

宋宰相王安石鄧店松林詩破店誰相伴疎林對作

進賢縣志

卷之一 街市

三十六

行捲鱗乾不脫落子拆猶香聲撓三更夢陰和片月

涼吾廬萬株碧回首暮蒼蒼

鍾陵市 十六都 陳陶鍾陵道中詩原隰經霜蕙草

黃塞鴻消息怨流芳秋山落照見麋鹿南國異花開

雪霜烟火近通槃瓠俗水雲深入武陵鄉曾逢齧缺

話東海長憶蕭家清玉牀

木架墟市 都十二

新墟市 都十三

梅莊市 都十三

楊橋市一名水北橋割入東鄉

羅溪市 三都十

玉嶺市 三都十

土坊市舊有土坊驛今廢 分寧徐師川宿土坊驛

寄孔世長詩夜燒郊原百草荒弊裘朝去犯嚴霜殘
年意象偏多感回首風烟更異鄉往返自非名利役
辛勤應見友朋傷章江猶得重遊處最愛梅花蘸水
香

潤陂市 十七都 朱晦翁過潤陂作我行欲安適葬

進賢縣志

卷之一 街市

三十七

葬窮山陂晨裝遠林表午憩通川湄曠望思慈親行
役嗟吾兒喟然陟屺嘆歸心浩無涯曉霜徒御寒暮
雨朋儔悲前程諒非遠無爲苦愁思 過潤陂日晴
可喜至暮復雨伯宗有詩因次其韻客裏歲去暮我
心殊未平悠悠惜往日鬱鬱懷平生况復久陰雨喜
茲霜曉明那知不終日又作瀟瀟聲坐厭泥途辱空
嗟鴻雁輕

三陽市 二都十

風俗

講習爲業士尚節氣志 晉衣冠萃止代有文物三朝 史靈

秀攸鍾人賢代有志 前處士有岩穴之雍容文章有江

山之秀發樂鬪而輕死機鬼而尊巫黃廷 賦 堅人尚清靜

之教重于隱遁雷次 宗 記邑于山溪之間俗尚簡淡懷氣

節而恥流于偷薄故治易達而習不移昔魏徵士減

隱君居之二君子 節高蹈流風遺韻百世不泯故

其人之生也積習清介多深居不市文章道德光華

燁煜有不可掩者熊釗 序深山大石之間民多朴魯或

終身抱道未嘗一至城郭者或作爲文章匿而不彰

進賢縣志

卷之一 風俗

三十八

者或操觚秉翰顯干臺 者黃氏之論庶幾近之矣

大抵文武幽厲之興而民之所好不同 漢循吏鑄

頑爲仁是又在之上之人鼓舞作興之何如耳元 志民率

忠朴士高節槩風候近馴金矢鮮入前 志論曰風俗之

道固與時污隆大都前所載者近是郡物土瘠而文

學饒加以澹臺倡 教徐孺子厲其節二范導 風

以故士矜義槩人絕繁華盖有齊魯唐魏之遺焉縉

紳先生競自標置耻謁有司閭左無大豪市里無游

食 挾筴操技而精五方者所居成市節 府 志公庭金

進靖最鮮節府志 摠一郡之敝俗尚氣喜爭好巫溺

女莖惑堪輿贅傭易去其主日操牒詣官者大率皆

坵隴 逃之事邇者遊閒貴介服食華靡爭擬于三

吳而寢忘其先進之故識者蓋重憂之夫陶之以禮

讓明之以好惡長民者之責也節府志

物產

禾類

北風占高田則赤 低田則白 百二十日占又谷 大占 百日占

九十日占 大生占八月 熟 背塘占米近 糯 晚赤占

進賢縣志

卷之一 物產

三十九

柳占米赤 無毛 土黃占白米 通山占赤米 無名占赤米

毛占白米 麻占白米 白米秋占白米 收饑占五日 十熟

洞占白米 青

以上名占者宋大中祥符間其種自占城國運至也

團草早 尖穀早 一坵水 五十日早

南早 七十日早 由風早 百日早

見秋早 陝西早 劉陽早 黃瓜早皆早 禾

南早 洗耙早 四節早 桅杆早獨不 仆

仙早 淮西早 香粘米長 三分 柳條糯

百日糯

鐵糯

赤粒糯

油麻糯

稚子糯

金系糯

芒鬚糯

寒秈

赤脚秈

重陽糯

紅殼糯

寒糯

麥類

大麥

小麥

莠麥

蕎麥

苦蕎麥

二月種五六月收取粉作餅要一
順手如反即苦不可食作燒酒良

米麥

無殼
大麥

雁瓜麥

似粟

豆類

黃豆

小黑豆

夏熟即入藥補腎者其大
黑豆亦秋熟性寒損人

進賢縣志

卷之一

物產

四十

赤豆

即入藥利心經者俗醫誤
用半赤半黑者乃相思子

羊眼豆

田豆

虎爪豆

扁豆

青皮豆

花豆

豌豆

力柘豆

蚕豆

大豌豆

冬種

硬岡豆

其角名
羅裙帶

菘豆

飯豆

每閱府志獨進邑地糧最多核之乃半為豆地當
為草也草以肥田耳遠人穫之直至賤不知當
日何以有糧豆地之熟矣地鄉之農四季獨勤苦
一年不耕即與草踞之矣地鄉之農四季獨勤苦
不得少休唐儉俗勤吁可憫哉進豆有三美
季夏之初即俗名六月報其實圓小而味甘白
必資極佳廣信造紙者必資以勝他豆而其枯餅

獨重肥田極宜稻故江南人趨收之乃村市以
白豆以其粒大也浙中人謂白豆寒有
但用
澤田

粟類

占粟 硬米

糯粟 軟米

蘆粟 黍即

雁瓜粟

狗尾粟 小穗

芒粟 大穗長

千鍾粟 粒子如

蔬類

菘芥 有紫白花

白芥菜 蓮花二種

韭 有子根二

茗蓬

萵苣

蘿蔔 有葉食

種最美子

胡蘿蔔

芹芋大 有乾濕

菜 二冬種

進賢縣志

卷之一 物產

四十一

苦菜

莧 種甚多

茄 種亦多

菠薐 有三種

花白田生者地名田班花黃

山蕨

油菜 子有

薤 有赤白

葱 有四季葱

蒜

藟 又有野生者

茼蒿

蕪菜

荀 多種

藜

香覃 可蔭油梳

菱蒿

水苳 荒歲則

採之以

苦蕒

胡荽

子薯 即黃精

黃花菜 即萱草

牛角演

老鼠藤

鷺料葉 以上三種

俱野菜可食

瓜類

西瓜出鄔子者佳瓠有線瓜田瓠藥瓠多種王瓜按王當作黃非

月令王瓜月令係土瓜冬瓜 蓊瓜俗名紡線 南瓜一名金瓜 苦瓜 北瓜青色似南瓜

土瓜 菜瓜

白瓜

菓類

桃 李 杏 栗

藕 棗 菓 柚

柑 橙 梅 林檎

進賢縣志

卷之一 物產

四十二

櫻桃 葡萄 楊梅 枇杷

蓮子 芡實 梧桐子 銀杏

石榴 柿橘 菱芰四角曰菱 兩角曰菱

金線葡萄 木瓜 橡珠

藥類

烏藥 梔子出小天 臺佳 紫蘓 薄荷

牽牛 葶藶 栝藿 青箱子

半夏 香薷 草決明 何首烏

玄參 三稜 旋復花 土地

土牛膝

白斂

澤蘭

麥門冬

天門冬

獨活

俗名土當歸

藁本

茴香

兔系子

葶麻子

益母草

蒼耳

蛇床

野大黃

甘菊花

葉

前胡

菖蒲

乾葛

薏苡仁

香附子

威靈仙

天南星

苦參

黃精

覆盆子

旱蓮草

稀莨

茱萸

蒲公英

夏枯草

馬兜齡根即青

香

枳實

枳殼

金銀花

進賢縣志

卷之一 物產

四十二

穀精草

桃仁

杏仁

青皮

桑椹

地骨皮

桑白皮

羊蹄根

鈎藤

山楂

金櫻子

自扁豆

青木香

石櫛

楓香

皮

紫河車

紫白二種又名金線金樓

桔梗

松花

草豆寇

白頭翁

土蒼木

茯苓

土茯苓

側栢葉

欵冬花

栢仁

使君子

花椒

女子

蓼花

竹茹

烏梅

花

木瓜

山茱萸

酸棗仁

其即樹棘

佛耳

荊芥

黃蘗

蘆粟根

竹瀝

竹用水

淡竹根

烏不立

芫花百合

二紅種白

矮荷

石榴皮

急性子

大楓子

扁竹根

尋風藤

鹿茸草

虎茸草

水類

松

栢

樟

柘

桂

椿

檀

檉

檜 俗名茨栢

楊

柳

杞

進賢縣志

卷之一 物產

四十四

槐

梨

桑

梧桐

油桐

楓

椒

榆

梓

柞

冬青楮

其實而作粉

楮 紙皮作

檣

棟

棘

柯

杉

黃楊

黃荊

可取其葉竹

可驅蚊

橡 俗名櫟其也大令豫章郡以可木粉江

烏白

子可油

楸

俗名

豫章二木最大之用

紫金榔

鴉楓

似小楓而

佛珠樹

出各金水難寺

皮珠樹

子即肥皂

桐

材作車

水槐

州青樹

穀樹
其漿可寫
字貼金

蠟樹

練樹

竹類

苗竹

有早晚黃綠四種志載絲

白眼竹
次水

苦竹

荳竹

此竹獨安南以為笋發病

金竹
黃色

淡竹

篁竹

紫竹

實竹
無

桃竹

箬竹

鳳尾竹

慈孝竹

可以為杖名

花類

進賢縣志

卷之一
物產

四十五

瑞香

山茶

蘭

蕙

金鳳

木樨

海棠

月月紅
一名長春

茶蘼
一名香木

芙蓉

薔薇
有紅有白紅白姊妹

山礬
一名香里七

苦菊
即花枝

玉簪

滴滴金
一名六月

石榴
有千葉者

杠鵲
一名山杏又名滿

水仙花

木槿
有千葉紅者

桃
有碧有紅者

美蕖
花荷

玉蘭

梅
有紅白者

菊

杏

紫荊

凌霄

扁竹

綉毬

鷄冠

石竹

紫薇

木蘭

夜落金錢

山丹

一剪金

剪春羅

夜合

葵黃紫紅

萱芫

音蓮

木蓮非芙蓉

水海棠甚香

木牡丹木花

夾竹桃花葉竹桃

羊躑躅一陽名

俗名腦痛花

草類

苧

葛

艾

藍

芝

莎

苔

茜有二種染藥

藻

苻

蓼

蒿

進賢縣志

卷之一 物產

四十六

莢

藤

菰實為胡

左纏藤即金銀花

苕可為帚

芦荻

佛指甲

鴈來

馬鞭

接骨草

鳳尾

龍茅

半邊蓮

虎耳

棚棚子能稔歲亦可造粉

龍鬚

龍膽

酸心可洗假銀

野燈心草

見風消愈毒

薛荔生可墻玩香

半邊銅錢可島鬚

千里光可洗瘡捉牛岡有

魚腥草此草和魚水洒

鶴頂珠愈瘡

扛板歸愈瘡

蚊草葉上有包

畜類

牛

馬

羊

鷄

鶩

鴨

騾

驢

猫

禽類

鶴

鸛

雀

黃雀

燕

鳶

鷗

鷺

鷓鴣

鷓鴣

鳥

鴛鴦

鷓

鳧 俗名水鴨

天鵝

鴉

畫眉

鶻鴒

烏

進賢縣志

卷之一 物產

四十七

鵲

鵲 俗名八哥

翠鳥

鴿

竹鷄

子規

雉

練雀隼 俗名即鷺

也

戴勝

班鳩

鴟梟

魚尾鳥

魚鷹

鵝

帽鷹

靈鵲

靠天 飛極高

秤駝鳥 沒水取魚

獸類

虎

豹

熊

獐

鹿

麂

豺

狼

兔

狸

豪猪

川山甲

魚類

鯉

鮪

鱧

鱣

鰱

魴

銀魚

二魚一種黑
眼者為佳

魷

鮓

鱈

鱣

洋池
者佳

青魚

金魚

潤溪
出

鮓
即草
魚

鱖

銅魚

俗名
烏魚

介類

龜

鱉

蟹

蝦

螺

蚌

龜

進賢縣志

卷之一
物產

四十八

虫類

蚕

蟬

蝙蝠

蜈蚣

蜜蜂

蚓

蠡斯

俗名
蚱蜢

蛇

螢

蜥蜴

果蠃

蟻螂

蠅

水蛭

俗名
馬蝗

百節草

蟋蟀

蜻蛉

蟻蠊

蝶

百足虫

入志

地虱

可治
疔

班猫

可去癩
入火藥

軟骨虫

出木中
治刀傷

螳螂

桑白虫

出桑中
治小兒

水癆虫

如線
在草

水中即
害中人

毛虫

類

山各處

茶出南石
坑者佳

煤山鍾
池

亦

石灰池陂燒
亦不多